

ISTITUZIUNS

Spana de tēmp arlungiada

Trentin – Südtirol: La Junta regionala á sburlé le terminn por la presentaziun de domandes tl setur dla promoziun dles mendranzes linguistiches y dl'integrasiun europeica

La Junta regionala, rovada adöm ai 28 de ma 2020 tres videoconferēza á deliberé, danter l'ater, da sburlé cina ai 30 de jügn 2020 le terminn por la presentaziun dles domandes de finanziaimēnt por iniziative de promoziun y valorisaziun dles mendranzes linguistiches dla regiun,



Regiun: la domanda do contribuc por les mendranzes y l'integrasiun pó gni presentada cina ai 30 de jügn 2020.

adöm cun d'atres desposiziuns che reverda la gestiun di finanziaimēnc regionalai por l'ann 2020.

La deliberaziun, portada dant dal assessur Manfred Vallazza, é gnüda aprovada fajon n'ezeziun ales desposiziuns dl Regolamēnt d'esecuziun

dla lege regionala 3/2018, a gauja dla emergēza epide-miologica dl corona-virus.

La medema dezijiun é gnüda tuta, sön proposta dl assessur Giorgio Leonardi, por sposté ai 30 de jügn 2020 le terminn por la presentaziun dles domandes de finanziaimēnt tl setur dla promoziun dl'integrasiun europeica

de ativités particulares de interes regional y tl setur di contribuc por la publicaziun de monografies, stüdi y operes d'interes regional.

Implü él gnü aprové les modalitēs de paiamēnt di finanziaimēnc danfora conzedüs por l'emergēza epide-miologica dl Covid-19.